

十朝东华录

乾隆朝

第六
丞
册

秋七月庚戌諭據阿桂等奏訊據脫出之劉均祥供稱係甘肅兵前往四川軍營充當德爾森保親隨在木果木後山防守賊忽前來衝突德爾森保被圍尙射賊五六名又有一賊拉伊馬尼德爾森保僅餘一矢仍將此賊射死後被賊槍傷咽喉旋即墮馬被賊砍死經伊親見等語前因德爾森保係特派駐防木果木後山之人所守山梁被賊奪去以致將軍大營混亂情罪重大且賊人衝突之時究不知伊作何下落恐係被賊擒獲是以將伊子俱挈交刑部監禁今覽劉均祥供詞德爾森保係於潰亂之際打仗陣亡屬實德爾森保係如果失陷緊要地方又不奮勇打仗縱損軀亦不足蔽辜即將伊子一併治罪亦屬當然今伊打仗陣亡屬實其罪止於失陷地方不過傳其議卹尙不至將伊子一併治罪著加恩將刑部監禁德爾森保之子卽行釋放伊等既屬無罪之人所有應當差使著交該旗大臣照開散滿洲例一體挑取行走朕辦理庶務一秉大公功罪皆由人自取如德爾森保前此失陷地方情罪重大身死又不分明卽將伊子監禁今既陣亡屬實不至將伊子一併治罪卽施恩寬免毫無偏倚將此交將軍阿桂通行曉諭軍營官員兵丁外並著通諭八旗知之○丁巳諭軍機大臣等阿桂奏見於苗則大海山梁之西探有昆邑爾及章噶兩處若能直占其地可繞出勒烏圍之南以斷噶拉依往來之路所籌甚好海蘭察已統兵前往進剿自可迅望得手又據奏軍營馬匹自將軍參贊領隊大臣而下各有自備之馬約計追捕賊首賊目時可得二百餘匹無虞臨時拮据所辦甚是明亮處昨歲卽經阿桂知會自必遵照辦理舒常一路亦然至富德南路情形大略相同自應照阿桂處章程一體妥辦阿桂籌辦軍營大小諸務實爲盡心今時當盛夏統軍攻堅賢勞足念因御製詩六韻親書筆頭賜之以示嘉獎詩曰掌握師行擒俊豪事無巨細一心操功成九仞尤應慎志洽諸軍實所憂探路欲因乘隙攻碉直可壓危提我居避暑原無暑卿效賢勞真是勞嘉予七言錫書扇凱歌三捷換征袍勉之指日親郊勞葉閣銘勳崇爵叨○戊午予金川陣亡副都統佛倫泰副都統科瑪入祀昭忠祠○己未明亮舒常奏石宜噶爲守護沙爾尼要口碉卡嚴密官兵每當前進少有聲息賊卽槍石如雨因思向來運礮人聲喧雜賊習慣而不設備適新鑄大礮成飭令星夜運赴石宜噶乘運礮聲之際分兵剽進連克碉卡遂進據該處石包雖山巖賊礮聯絡亦不憂下壓之難是沙爾尼一帶賊已無險可恃論軍機大臣等明亮等自攻嶺兩替以來久未能進甚爲慮念今乘運礮人聲喧雜之時派兵分路潛進奮勇直入連占大碉追殲賊眾自足令賊人喪膽且官軍連據石宜噶石包其下山散賊礮無難攻壓而得卽沙爾尼一帶之賊亦俱可趁勢掃除其距勒烏圍雖隔一河而爲地甚近自可卽與阿桂等合力奮剿看來賊勢日益窮蹙今降番男婦各路紛紛投出賊中乏食慌亂情形大槩可知惟在各路將軍等設法上緊妥辦迅奏膚功共膺懋賞○壬戌諭軍機大臣等阿桂等奏從舍圖枉卡繞截圍攻將昆邑爾山梁奪據並將果克多山峰礮戰攻克旋進克拉克喇嘛寺及苗則大海各碉此次官兵等繞道奮攻奪礮殲賊實屬勇銳可嘉所有將軍參贊等統俟攻克勒烏圍時一併從優議敘其打仗出力之將領弁兵等著阿桂查明咨部議敘額爾特出

力尤多功罪足以相抵者賞給三等侍衛令其益加感奮以勵後效至攻奪碉卡將士踴躍倍常其中多有勇銳出眾之人著阿桂查明如係未得巴圖魯號者即奏請賞給其已得者奏明量加賞費俾將士倍知鼓舞速成大功又聞進到地圖已經攻克者頗爲不少若能將章噶速行攻獲即可竄出勒烏圖以南固屬甚善或賊人守拒尙堅未免略需時日閱國內新得之魯克塔爾地方可通勒烏圖大路若從魯克塔爾山溝而出至托古魯對面過河由布勒一帶至勒烏圖可順壓而下似屬直捷今用硃筆點出著發交阿桂令其悉心酌辦○癸亥諭軍機大臣等明亮奏由石真噶分路下壓連克碉卡木城並攻獲噶西喇嘛寺將士等奮勇直進均屬可嘉而和隆武尤爲超眾國家又得一出力好大臣爲之喜慰明亮等見在乘勝下壓自可迅剿沙爾尼一帶進攜賊巢佇盼捷音又據奏金川頭人阿布僧格太攜眷來投隨營打仗實出至誠其所屬之霍爾甲阿咱拉俱經賞給藍翎此人竟應賞給二等侍衛以示嘉獎俾其益生感奮番人男婦各路投出者紛紛而頭人來降則自此人始今加恩授職並賞花翎賊眾聞知或應相率來降未嘗不可以此爲招徠之計前次傳諭以頭人如有出降者俱當解京治罪原指大頭人如丹巴沃咱爾等黨助逆逆者而言若如阿布僧格太輩果能竭誠投降原可恕其已往若再能出力並當道格施恩且不獨此時爲然即攻克勒烏圖以後有頭人望風來降者尙可一體收用若大兵已抵噶拉依賊眾窘迫之時始行投降則非此時可比止應暫留營中解京辦理○甲子停止內地查禁烏槍○丁卯阿桂豐昇額海蘭察額森特奏攻克章噶等處碉寨賊甚多又額洛木寨頭人革什甲木參喇嘛科爾頭人雍中什爾德寨頭人丹比西拉布等三人率領巨眾來降均稱金川地方乏食伊等口糧尙不至乏絕實出誠心納款即將該番眾發往附近內地土司安插其尙可用者將伊眷屬遷移向內留該番隨營勦賊諭軍機大臣等此時章噶既得已拊勒烏圖先截斷勒烏圖通噶拉依之路或自上下壓直搗勒烏圖均可計日而待設或賊眾自揣力不能支逃回噶拉依即未能多獲賊眾而業已掃去一穴自益見窘感看來賊眾即或聚守一隅而敗回之賊愈多口食愈形竭蹶其勢斷難久拒但恐賊人外竄未免又藉時日不可不多方設法廣爲攔截又據奏頭人等率領戶眾來降其慌亂情形大槩可見自是極好機會至該頭人三名誠心納款尙非窘急求免情較可原如果認真出力應當以藍翎頂帶傳信加威奮報效且使眾聞知益堅其投出之心賊勢更易於潰散阿桂等即當安酌而行○戊辰諭三阿哥之格格指與丹巴多爾濟爲婚完姻在邇恐伊等念朕之孫女於一切典禮俱按公主一體舉行亦未可定朕之孫女較之公主又隔一輩自不應按照公主仍行主僕之禮卽如扎拉豐阿所尚係皇祖之孫女伊於姑前如何行禮之處三阿哥之格格自應依照而行如果能按家禮克盡婦道朕方爲之欣悅儘必欲固執以爲朕之孫女應照公主禮相待反與朕之施恩指婚本意不合再羅布藏多爾濟之子旺沁班巴爾曾將五阿哥之格格指與爲婚俟完姻時亦應一體遵行嗣後朕之孫女指婚後俱照宗室格格禮行毋違朕諭○己巳諭軍機大臣等明亮等奏由石真噶下壓攻克沙爾尼溝達恩拉木一帶礮下所辦甚好至新降頭人阿布僧格太此次招降頭人統布僧格並策旺寨內眾番頗誠心效力著明亮酌量賞給

傳旨嘉獎以示鼓勵章京孟德用槍擊仆策旺其馬得用又奎林等派令圖奏木城之郡司沙津岱及敖成進攻碾占時帶兵從礮後抄截進剿賊眾之遊擊衙馬應詔守備孟洪異均各奮勉並著明亮確查各該員等此次勞績及平日勇幹勤勉若何奏明請旨○庚午諭軍機大臣等阿桂奏將直古臘榮噶爾博一帶碉寨及令角寺等處悉行攻克已直壓勒烏圖之上見派兵圍其兩面勢若建瓴自可唾手而得惟據雍中爾甲木燥供稱老土婦阿倉及僧格桑之妻得什爾章用皮船過河而去莎羅奔等隨後亦從各路逃竄等語賊首賊婦諒不過逃回噶拉依計官軍堵穴擒渠自斷不能漏網惜此時未能即行擒獲耳又聞圖內甲爾日礮橋一處在勒烏圖西南通噶拉依要路若能先將此處攻得斷賊往來之路賊眾自無可逃阿桂見尙未能得必須設法先行攻占則勒烏圖之賊更難自存勒之尤易得力朕於圖內用硃筆標記發交阿桂速爲籌辦同日明亮等奏見在已攻扎烏古山梁隨將丹扎木寨落焚燒等語明亮若能攻得扎烏古即可與阿桂會同攻勒烏圖更爲得勢仰即速奏○癸酉重刊金史成 御製序曰遂金元三史人地名音譯謬舛鄙陋失實者多因命儒臣按同文韻統例槩行更錄蓋正其字弗易其文以史者所以傳信示公不可以意改也茲聞所進金史見其中文法乃多有未當者如稱元兵爲大兵大軍以元臣修金史理固宜然而於大兵大軍等句下或接稱上或稱朝廷則又皆敘金朝事略無界限分別使淺學者觀之幾不能辨其爲何代語是乃文義不佳之故然此猶小疵非若人地名之謬誤宜改仍其舊可也至若樹立傳贊云其志方且要求劉豫之事我大朝豈肯效尤金人者乎金俘人之主帝人之臣百年之後遂啓崔立之狂謀以成青城之烈禍云云直是痛加詆斥實爲非體夫一代之史期於傳信若逞弄筆鋒輕貶廢國則千秋萬世之史皆不足信是則有關於世道人心者甚大推之明修元史類此者應復不少然史書流傳已久難以釐正亦不得不仍其舊若我本朝修明史於當時賢奸善惡皆據事實直書即各篇論贊亦皆覈實立言不輕爲軒輊誠以作史乃千秋萬世之定論而非一人一時之私言予向命纂通鑑輯覽於明神宗以後仍大書明代紀年而於本朝定鼎燕京之初尙存福王年號此實大公至正可以垂示天下後世豈若元托克托等之承修金史妄毀金朝者之狃於私智小見所可同日語哉書此以揭重刊金史之首抑亦有慨於前而所以深誠於後也○是月直隸總督周元理奏見在紅旗將到軍報緊要源花河山水陡發舟莫能渡辦有皮袋水帶等物令習水者束皮袋於肩繫水帶於兩腋下外添習水者四五人於波浪中夾護而渡雖不無稍遲而涓滴不漏得旨嘉獎八月丙子朔日有食之○丁丑諭軍機大臣等阿桂等奏攻克隆斯得賊寨係賊藏貯鉛藥之所見獲其火藥一百餘條其槍子堆貯屋內自數寸至二尺餘深此必係賊人前歲在木果木劫取者今經官兵收得實爲快意此寨一得賊人鉛藥無資自更難於守拒官兵攻勦尤當迅捷至明亮處攻奪扎烏古山梁派委之屯土兵丁及引路之降番阿布僧格太霍爾甲阿咱拉等甚爲出力自應予以獎勵著明亮即傳旨將阿布僧格太霍爾甲阿咱拉三員酌賞段匹其屯土勇銳兵丁著各賞一月錢糧俾伊等益知鼓舞至於番地路徑土兵固所熟悉然用爲嚮導則可若攻堅越險則索倫吉林兵丁皆所優爲即綠營中亦有可供驅策者遇攻打礮

寨之事自應將滿漢兵丁與屯土各兵一體選派業已節次傳諭何以明亮此次進攻乃專選屯土兵四百名獨當一面並不派令索倫吉林及綠營精銳兵丁合力前往殊屬非是又明亮摺內稱後隊官兵進攻僅少存畏難之見則在內屯土兵丁竟無一人得脫等語是明亮未嘗不知此地之危險而令降番土兵前往嘗試儻使若輩窺破必私相抱怨謂將軍不惜伊等身命令其前驅冒險豈肯復安心出力且同係番人其為賊死守抗拒者實堪切齒必當戮戮無遺若既已投誠即與內地之人無異自當一視同仁至屯土兵眾均係效力隨征尤不應稍存歧視將軍等若專於滿漢兵丁優加體恤而於降番土練視為無足重輕不稍顧惜如此即為不公此事甚有關繫著傳諭阿桂等一體遵辦○壬午河南武陟縣水災實修房屋銀兩一月口糧並給籽種○甲申阿桂豐昇領海蘭察額森特奏官兵連夜攻勒烏圍轉經樓附近察落搶占賊寨其地有高塹五層須逐層攻克兒已至第四層礮下○丙戌以汪圻為雲南按察使由山東來○己丑明亮奏琅谷上連扎烏古臣派兵進擊礮內賊人槍石如雨適降番阿布僧格太喊諭守卡之賊賊人奔潰遂克琅谷論軍機大臣等明亮之兵若能從扎烏古下至河沿則與勒烏圍緊對於隔河用礮轟擊賊眾自難久支亦足為阿桂之助阿桂此時如已攻得勒烏圍自屬甚善否則帶兵速往河西北岸將沿河一帶礮寨盡行攻克即在隔河攻打勒烏圍可不虞賊人隔岸槍礮阻攔即扎烏古賊眾亦難占據並可引明亮之兵下至河岸合力進攻實為兩便阿桂等當即安速為之至明亮攻打琅谷賊礮時降番阿布僧格太喊諭守礮卡之賊甚為出力著明亮即傳旨賞給段一匹以示獎勵○辛卯 上自避暑山莊巡幸木蘭行圍○論滇省辦理逃兵王天惠一案將應行立即正法之犯援照自首舊例枷責發落錯謬已極然圖恩德之咎止於革任註冊至審辦此案係置臬司王太岳專責乃竟妄為援引謬若此其罪難以輕道王太岳人本平常且由翰林簡用道員復游提至藩臬從未見其實心妥辦一事在任一味模稜今於此等逃兵猶欲意存寬縱取巧沽名實屬有負任使王太岳著革任發往軍臺效力贖罪以為大員旅進旅退者戒○壬辰以宋椿為雲南布政使由廣西來○癸巳調廣德為廣西按察使以蔣九熊為福建按察使由江蘇來○甲午論軍機大臣等阿桂等奏連夜分攻各寨沿河接擊木柵已與勒烏圍東西平對如此而而合圍賊眾斷難支禦諒可立時攻克乃賊人猶復悉眾死守固屬護眾力拒亦由其罪孽深重必待盡殲而後已至既得勒烏圍則轉經樓之賊自難存住即甲兩日礮橋亦當自潰其科布曲賊寨據脫出番人供稱莎羅奔弟兄三人見俱在彼自即應乘勝攻克悉行擒獲從此進攻更不慮後路有賊滋擾至於索諾木見住甲難阿桂進攻時自當分兵兩路一由雍中喇嘛寺攻打噶拉依得其巢穴一派兵徑赴甲難官寨擒其逆酋方為妥協○己亥論揀定西將軍阿桂等馳奏紅旗報捷於八月十六日已攻得勒烏圍賊巢此實仰賴 上天眷佑成功迅速行將軍參贊實心宣力調度得宜將領弁兵各奮勇集事均屬可嘉所有將軍阿桂副將軍豐昇額參贊大臣海蘭察額森特及在事將弁等著交部從優議敘其出力之滿漢官兵屯土兵練俱各賞給一月錢糧以示獎勵又諭將軍阿桂等奏報攻克勒烏圍賊巢紅旗於八月十六日自軍營馳奏今於八月二十四日丑時遲到木蘭行在計沿途僅

行七日實爲迅速所有辦理臺站驛遞文武官員均屬可嘉著該部查明同兵部提報章京一併議敘各站差弁兵夫並著該部查明照例議賞其馳送紅旗到行在各站員等同捷報章京等著行在兵部查明先行賞給段匹兵部員外郎額爾克圖自辦理軍務以來承辦捷報頗屬勤勉見係該員肅遞紅旗著賞戴花翎並交該部遇有郎中缺出卽行升補○前軍機大臣等官兵攻克勒烏圍已降旨將將軍等從優議敘並遣阿爾達爾紅寶石帽頂至軍營賞給阿桂以示優眷俾益奮迅集勦此次攻取勒烏圍官軍聲勢益盛扎烏古山梁等處僅一河之隔賊人隔岸望見其勢自難復支理應不攻而潰計明亮問阿桂捷音自應統兵直進迅掃賊人寨落以期兩軍會合何以未見明亮奏到或其所發之摺不及阿桂捷報八百里馳遞之速著論詞明亮將近日勦賊情形若何迅速具奏○甲辰封禁湖南湘鄉等二縣礦礦○乙巳阿桂豐昇領海蘭察額森特奏八月十六日攻克勒烏圍賊巢及轉經樓喇嘛寺並未獲砌房寨落本城石卡六十餘座殺賊數百人奪獲松鐵刀矛無算得旨此皆由 上天垂佑爾等同心宣力方能成此大勦嘉悅之外幾欲垂淚更當合力前進遂成大功以俟厚獎

九月丁未定難廣漢員發標學習例○己酉諭布政使郝碩自赴西路督辦糧儲實心催趨經理從無貽誤按察使銜建昌道白瀛承辦軍需歷經四載自收復小金川及進攻金川一切不辭勞瘁均屬奮勉出力郝碩白瀛著加恩各賞戴花翎再到秉恬前此獲罪原係總督任內之事伊自革職後駐紮欽砥總理糧運兩載以來尙能留心經理妥協盡力並著加恩賞給兵部郎中仍賞戴花翎到秉恬務宜益加奮勉以副朕格外加恩至意○諭軍機大臣等阿桂等奏通籌直隸噶拉依賊巢一摺該處進兵路徑阿桂鑿探已久自係成竹在胸實有把握方如此籌辦且自十七晚官兵已陸續起程至空色爾而海蘭察同各領隊見俱奮迅進攻可望得手自應聽其照所擬妥速勦辦阿桂見既併力直搗賊巢自不能復有多兵派幫明亮且阿桂如卽能攻得噶拉依則其餘各處碉卡賊眾斷難再拒必皆自行潰解况阿桂節次所籌俱有成效今大功已屆垂成更惟阿桂是恃一切悉聽其調度第阿桂等統兵進攻以後恐扎烏古等處賊人潛至勒烏圍撓我兵後路其事甚有關繫阿桂見派額森特在轉經樓前科布曲山轍之下駐紮攻打以牽賊勢額森特雖尙未能上馬遠涉而防守是其所長著阿桂卽札知該參贊令其在勒烏圍一帶小心看守勿使隔岸之賊得乘隙過河滋擾或至稍有疏虞○辛亥諭軍機大臣等據明亮奏調兵由碾占下壓並與西路約期會勦自應如此辦理因展闊阿桂處前此進到地圖內有碾占之名就其形勢而論若果能從彼下壓則扎烏古阿爾古一帶賊人皆攔截在內自可不攻而潰况與阿桂訂期進攻彼此爲犄角之勢更可互相照應著傳諭明亮總須相度機宜妥速辦理若已攻至沿河而阿桂一路之兵亦已繞出又可夾攻科布曲賊碉以期必克明亮仍當統兵前赴甲維揀捕逆渠務須必復明亮之立功卽在於此當努力妥爲之

癸丑 上駐蹕避暑山莊○乙卯諭軍機大臣等據李侍堯等奏船商陳萬勝帶投暹羅國鄭昭文稟一件稱平定打馬郎落人眾投歸內有滇省兵趙成章等十九名附商船送回並情願合擊緝匪乞賞職職職位等因一摺該督等以訊據各兵係上年八月

內匪匪攻破打馬關奔至通羅等處與鄭昭來文云因青靈爲其所平打馬關落率歌來降之語其情詞不無粉飾但見將內地兵丁搭船送回尙小心恭順其所請礮鐵等項李侍亮以礮位不便准給其硫磺鐵鍋等物查照上年請買數目准行之處所奏甚具自應如此辦理至所云緬匪於鄰疆諸國多遭殘害自必志切同仇果能糾約合舉直抵阿瓦擒其渠魁上爲天朝立功下爲爾土雪恥大皇帝鑒爾忠貞必有非常賜典等語立言殊不得體中國當此全盛之時如果欲征勦緬甸何必借助於海外小邦况撫馭外夷亦自有道若藉其力剪滅叛蠻彼必恃功而驕久且效尤滋甚更難駕馭此乃一定之理李侍亮等蓋未見及此也見令軍機大臣代擬檄發去再閱奏摺內稱賞礮鐵位並稱礮位礮難准行之語及閱鈔錄鄭昭原稟係乞礮鐵銃仔所云銃仔似卽內地之礮子而非礮位是否鈔稟外語抑係敘摺偶誤並著查明具奏見在所擬檄案仰照銃仔立言並著李侍亮查對原文再行繕寫發往諭以本閣部堂接閱來稟並開列名單送回滇省兵丁十九名具見小心恭順所請礮鐵銃仔前經駁飭今除銃仔一項開繁軍器定例不准出洋未便給發外其需用硫磺礮鐵鋼准照上年請買之數聽爾買回以示獎勵至所稱皆以緬匪兇頑罪在不赦欲加天討昭顯率兵合擊但路遠礮初安軍需缺乏冒乞恩錫礮鐵銃仔並懇據實呈奏等語所言已悉但天朝統馭寰宇中外一家國富兵強勢當全盛前此平定準噶爾回部西北拓地二萬餘里今因兩金川狼狽爲奸負恩抗拒官兵征勦見已竭其巢穴大功指日告成獻俘行賞西南諸番部亦可永慶安全德威所布遐邇莫不震懾主軸匪類蠢負囑甘棄生成之外實爲覆載所不容東屬貴盈所自取邇來因申討金川遽將滇兵暫撤今策動在邇或閱一二年稍息士卒之力再行厚集兵力將緬匪一舉蕩平此時自難豫定若果欲掃除緬匪則以百戰百勝之王師奮勇直前所向無敵視攻捷阿瓦不啻摧枯拉朽何藉爾海外彈丸聚兵合擊或爾欲報故主之仇糾約青靈紅沙諸鄰境悉力陳兵盡除花肚亦聽爾自爲之設或爾志得伸據實稟報本閣部堂覆覈無異自當代爲奏聞大皇帝爲天下共主亦必鑒爾忠誠予之嘉獎至於中國之欲平緬匪與否聖主自有權衡固非我守土之臣所敢料亦非爾之所當請問也將此詳悉檄諭卽由六百里傳諭李侍亮知之○丙辰諭軍機大臣等阿桂等奏官兵攻得勒烏圖移營高處河水陡漲數丈若漲在數日以前則沿灘木棚必致被衝等語實仰賴上蒼嘉佑惟當賴手敬謝卽此人心助順可徵成功之速○丁巳 上恭送 皇太后回鑾○辛酉 上自避暑山莊回鑾 壬戌阿桂豐昇額海蘭察額森特奏前擬從達恩里勒拉字進兵今因陰雨阻滯達恩里一帶賊俱增修礮卡恐未免多魚兵力復疏探得什爾德山梁之南過溝爲達烏達圍再上爲安布魯木順梁而下卽至聶烏過勒烏滿而上正對則喇喇克了口一經攻占卽已截科布曲賊人之後而喇拉依更爲震動論軍機大臣等阿桂等奏寬路縱截進攻情形所籌甚好且據稱初四午後天氣漸晴撥於今明日發兵務期迅速占據等語今節令已當九月向後自應肅爽阿桂等繞道進攻必能有益使聽捷音再阿桂昨會與明亮相約令其俟河東進攻達恩里時卽從礮占下壓今阿桂擬從達烏達圍一帶進攻又在達恩之北似不與礮占相對或阿桂處另行通知明亮相訂會辦亦未可定軍營之事移步

換形難以遷爲揣度阿桂長於謀計於籌畫軍務機宜尤所諳悉明亮等惟當聽其安酌行之○丙寅諭軍機大臣等據明亮奏攔
占巴扎木兩路賊人拒守甚嚴未能卽進擬親赴西路與阿桂併力以圖又據舒常奏奉諭旨令赴絨布寨更替富德見由沙爾尼
起程前往等因均屬大謬看來明亮竟係因北路見無可進之機而阿桂一路自攻得勒烏圖以來統兵前進聲勢甚盛遂欲捨此
就彼甚屬非是各路分派將軍參贊責有專司自應各就本路調度熟籌以期集事卽彼此有應關照之處亦不過聲息時通訂期
夾擊互相犄角斷無舍己從人之理況西路有阿桂爲將軍又有豐昇額爲副將軍尙何藉明亮之相助卽欲添阿桂兵力亦止須
令奎林和隆武統領前往明亮何得輕率親行且三將軍俱聚於西路而北路竟無一總統之人亦無此理明亮既欲親行又不留
舒常在營駐守實爲非策至所稱阿桂寄來招藥西路可供打仗者止一萬二千人僅敷什爾德一帶進攻欲令帶兵數千爲續添
力量合勢堵巢等語若其事果出阿桂之意則阿桂亦有不合因檢閱阿桂原摺據稱西路兵雖共三萬二千因自梭洛格占一帶
道路綿長近於後路營卡內僅力抽兵止得一萬二千僅敷什爾德一帶分路進攻及爲接續之用等語此就見在抽兵情形而言
並非誤令相助又據稱明亮前至軍營爾商告以俟官兵繞進得手之後或河西另有機會再行籌辦過河幫賊否則俟西路攻進
噶拉依時明亮帶兵數千前來爲添力合勢擄巢之舉等語此乃指攻圍噶拉依將得之時而言其時明亮或果由礮占一路乘機
攻得方令前往並非令其捨河西一帶不顧徑往相幫蓋明亮誤看阿桂摺稟並將上下文意錯綜誤會遂至於此因復細問明亮
之摺據稱屆時統兵親往似此時尙未起身果爾則北路兵尙不至於遽渡但恐舒常既行明亮又冒昧卽往賊人窺見此路無人
潛從扎烏古而下將沙爾尼茹寨等處復行占去則於全局大有關繫甚爲可慮總之此事明亮舒常所辦太覺謬戾非尋常錯誤
可比著傳旨嚴行申飭明亮此時斷不可輕離北路如或阿桂果有必須助剿之處卽令奎林和隆武帶兵數千前往亦無不可明
亮若能卽將河西一帶及早攻奪下至沿河方可與阿桂關照會剿否則將河西一帶加意嚴緊守禦勿爲賊人窺伺滋擾聞進到
之圖所有扎烏古山梁未克賊礮尙在勒烏圖東北明亮並未將沿河一帶料理肅清斷其過河至勒烏圖之路萬一賊人由彼偷
越於勒烏圖甚有關礙不可不極力嚴防阿桂曾派令額森特在勒烏圖轉經樓甲爾日稜橋一帶駐守此皆防西來之賊非防北
來過河之賊此處大有關繫仍當諭令實力留心處處照料不可稍有疏忽明亮後路未清之時阿桂切不可將額森特調令他往
致滋貽誤阿桂並傳諭額森特知之至沙爾尼茹寨一帶爲軍糧軍火臺站所經不可無安幹大員坐辦當勒烏圖昨奉往底木達經
理綠臺原爲功噶爾拉當噶爾拉一路進兵因思該處進兵不過牽綴無庸當勒烏圖往往彼相助就見在情形而論河西所關尤重當
勒烏圖自當在此一帶留心妥辦或仍在梭洛格占或酌籌與明亮軍營相近最要之處駐守至功噶爾拉當噶爾拉進與不進無關
大要阿桂攻得噶拉依時如欲添兵或調長青處兵一千名令其帶往幫攻甲雜蓋噶拉依一經攻得則功噶爾拉當噶爾拉皆成
內地長青自可徑行無阻著阿桂安酌行之至於河西礮占一路雖賊人堅拒難進自應別探可進之途卽如阿桂處初擬由達恩

里一帶進攻繼聞賊人知覺豫防即改由達烏達圍經安布魯木而進蹇雖稍遲而攻其無備自易得手若如明亮之畏難輒止何由所向克捷耶又聞明亮圍內官兵所設營卡太多上下列布三層似覺無謂今既將達布依一帶營盤拆毀前移何不將石真喀一帶及達思拉木方營向北一帶小營盤移撤又可抽添無數兵力明亮何不計及於此嗣後務宜諸事留心爲安舒常較明亮稍有心計是以前此派令往吉地駐紮堵截逆酋之事旋經明亮奏其於北路軍務審情熱習乃欲得其相助是以即令復回北路而令桂林往代至於襲擊正地一事原令舒常同阿桂酌量辦妥即回北路嗣因阿桂奏請令舒常往紮布換當德至吉地堵截雖允所請隨據舒常奏已於八月二十八日自吉地起程徑赴明亮軍營朕尚以其徑去爲是以諭令仍在北路無庸前往紮布更換而以吉地堵截之事交桂林辦理朕於七八千里外籌度機宜止能如此軍營之事移步換形或接奉後旨與前旨情形不符果能揣度事勢擇其妥是者奏聞而行朕非惟不責其故違並且獎其聰事舒常豈尙不知而拘泥若此耶舒常奏已於初十日起身若至正地料理襲擊之事務就即接奉前旨仍回北路自屬最要若已馳赴紮布而當德又自紮布前往吉地彼此甫經更調又止宜各就見駐之處作爲定局實力妥辦不可因有此旨復行僕僕道途徒勞跋涉舒常當德均當妥酌而行○丁卯 上奉 皇太后回京師 戊辰諭明亮在軍營不其奮勉成功後如何用伊之處另降諭旨所有廣州將軍員缺著承璋補授○阿桂豐昇額爾察額森特奏達思里噶拉字一帶因賊眾固守改道從達烏達圍總進奮攻海南察所帶之兵分爲七起豐昇額爾察特處亦分三路值風雨交作涉險衝泥克取當噶克底緯爾丹色木里各礮卡並將原擬進攻之達思里噶拉字莫魯古各處礮卡棄落悉行行政克論軍機大臣等阿桂等原欲攻達思里等寨因賊人知覺豫防須改從達烏達圍繞進今於繞進之時不但將改道擬攻之噶噶克底一路盡心攻克並將原擬進攻之達思里噶拉字莫魯古一帶盡皆搶占將軍參贊調度有方在事之將領弁兵等皆冒雨衝泥攀崖越險所向克捷甚屬可嘉所有阿桂豐昇額爾察額森特及奮勇之領隊大臣等各分別賞給荷包以示獎勵仍俟攻克噶拉依時一併交部優敘俾膺渥典至阿桂統兵攻勦噶拉依爲據其腹心之計深得窺要見在督兵進攻自斷不容復行抽撥往助明亮是以前諭阿桂令調長青所統之兵但背嶺一帶亦須有人牽綴卽長青之兵似亦不宜調動著阿桂妥酌行之至勒烏圖及甲爾日碌橋一帶甚爲緊要宜防扎烏古等處之賊過河滋擾所繫匪細前據阿桂奏派額爾察特在彼駐守頗爲可恃聞此奏摺額爾察特業已帶兵進勦則勒烏圖一帶見派何人代彼在該處專防後路過河之賊其責甚重阿桂宜選派勇幹之人駐辦仍將派委緣由卽行奏聞○阿桂奏接奉諭旨令臣凱旋時帶緯斯甲布布拉克底沃克什明正瓦寺五土司來京查瓦寺土司故後伊應襲之子年幼尚未襲封布拉克底土司阿多本係跛足令人背負而行自不能遠赴京師至番人有生身軀身之分與蒙古無異未經出痘者心多畏懼請令明正沃克什等先來此後有願輸沈瞻覲者再行辦理奏聞○王申諭今歲係閏十月天氣漸就返寒所有五城煮賑著於十月十五日爲始○甲戌命再撥部庫三百萬兩豫備四川軍營善後事宜

冬十月乙亥朔諭高晉奏江安糧道員缺緊要請以新升廣東惠潮道陶易留江改補俾得熟諳之員接辦期於漕務有裨等語陶易著照所請調補江安糧道高晉奏留陶易與前日三寶奏留舒希忠相似而實不同朕惟準至理以爲權衡故准駁亦因之而果陶易在江年久舒希忠在浙年久雖相彷彿而一由知府升道一由同知升府其還轉亦不甚懸殊但陶易歷任淮安江甯於各衙尚形諳悉高晉欲留其接辦江安糧道以資駕輕就熟之益乃爲漕務擇人起見而陶易所得之廣東惠潮道亦係監司要缺該員自無所揀擇於其間事屬可行是以允准若舒希忠雖由知縣至同知皆在浙江於該省民情亦自熟習但三寶留任並其有必需該員辦理之事徒以其升任廣西柳州府欲爲留浙改用柳州府邊省惡缺人皆憚於遠涉舒希忠自不願前往三寶此奏乃爲人擇缺起見恐此端一開凡籤升遠省者皆得藉上司奏留以遂其趨避之計此風斷不可長是以不但不能加之飭諭該辦理庶務一乘至公可否惟視其人之自取實無絲毫成見於其間各督撫如欲奏辦此等事件具摺時先當自問其爲公爲私即再據揣其應准應駁若各屬員妄便倖倖之心上司略存遷舉之見非惟無益而適以自害不可不慎也官員推升他省不許督撫奏留前會降旨飭禁恐行之日久人漸相忘而任封疆年淺者或並未知此例若連加懲治未免不戒視成是以三寶前奏僅予傳旨申飭著再將此明白曉諭各督撫嗣後不得以不應奏留之人率行清請如違定行交部議處必不輕宥○丙子調富察善爲盛京工部侍郎由倉場調○調喀爾崇義爲盛京戶部侍郎穆精阿爲盛京刑部侍郎由刑部調○丁丑以汪永錫爲內閣學士由詹事府調○庚辰阿桂豐昇領海蘭察額爾森特奏攻克達思里山散第二三兩砲並攻開砲下寨落五處所克喇寨悉行燒毀此時達思里山散土下砲寨已清若下至清邊將雅瑪朋寨落及科思果木往來路徑寬行占住又可添一進取之路臣等見在督兵即於所獲各寨落處擊柝而下相機攻搶○乙酉申諭直省督撫仲冬奏報實在民數○孫廷槐以不職降調以陸燿爲山東按察使由通河○己丑賜王懋賞等四十八人武進士及第出身有差○諭畿南一帶雨水稍多成災之保定等四十七州縣應照例撫恤賑濟被災較重之霸州等六州縣先於九十兩月摘出賑給加恩將應得大賑卹於閏十月開放○庚寅諭嗣後巡察盛京黑龍江吉林三處及歸化城游牧二處人員總歸都察院奏派並定五年巡察一次著爲令○壬辰 上至靜安莊視 令懿皇貴妃金棺奉移勝水峪○丙申諭前據刑部奏鎮遠府知府蘇瑞揭告該省督撫藩臬等串通一氣袒庇劣員席積一案彼時即疑蘇瑞必係間上司有將伊奏奏之信故爲先發制人計圖反噬因違例由驛速遞但事關通省大員不可不徹底根究因派侍郎袁守何阿揚阿前往查辦嗣據署督圖思德奏蘇瑞浮收稅銀勒索船戶客民及得受本地鄉紳餽送婪贓累疊均有證據且稱委員於八月十五日抵鎮遠查訪蘇瑞欺誑蘇瑞即於八月十九日用六百里馬遞通揭部科等語果不出朕所料蘇瑞卑鄙狡詐目無法紀實出情理之外卽降旨將蘇瑞革職交袁守何等嚴審定議具奏至蘇瑞在鎮遠府如此劣蹟昭著韋諫恆近在同省何竟漫無覺察直待署督入境風聞訪明劾款奏劾則韋諫恆平日所司何事乃僅以會銜附摺了事此後並未提及蘇瑞一字實不解其何意因傳旨飭令明白回奏今掌

謙恆回奏之摺尚未奏到乃因蘇橋揭稱席纘任內臺後詐贓逼命及將屯軍酷刑杖斃二案有與伊牽涉之處曉諭詞辯而於蘇
琦貪鄙之事仍不置一辭竟視蘇橋貪贓欺案若與伊無涉者然其罪實無可追伊摺內自稱素性愚直不知其竟係優柔取巧此
等伎倆豈能在朕前嘗試韋謙恆係朕特加擢用之人乃辦事乖謬若此殊屬負恩溺職不但不可護理巡撫並不可復為藩司章
謙恆著革職發往軍臺效力贖罪其貴州巡撫員缺著裴宗錫調補雲南巡撫印務著圖思德暫行兼署安徽巡撫員缺著李質穎
補授安徽布政使員缺著王顯緒補授安徽按察使員缺著農起調補山西按察使員缺著李承勳補授貴州布政使員缺著鄭大
進補授湖南按察使員缺著永慶補授其所有硃批韋謙恆原摺並著發鈔與眾閱看其摺內所辦二案亦著袁守侗等一併審明
具奏裴宗錫未到任之先貴州巡撫著袁守侗署理永慶由巴里○戊戌諭軍機大臣等阿桂等奏攻克達噶木山包賊礮見在設
法分攻雅瑪朋礮寨以便進攻科布曲所辦甚好達噶木為賊緊要咽喉今官兵既已占據從此進攻自更得力又奏小金川頭人
末利阿什咱同妻舅阿噶爾甲投至軍營請暫緩辦以供軍營體訪之用所見亦是末利阿什咱係小金川頭人黨助逆首帶兵抗
拒與既降復叛之阿噶爾甲情罪均無可逭今阿桂欲暫留在軍營供用或可稍資其力亦未可定設其人果欲立功自贖實有
可藉以誘惑賊眾之機即酌量賞給頂帶使眾番豔羨亦無不可統俟大功告成之後將該賊目解京另行辦理再西路之兵因阿
桂慶凱克捷遇敵皆踴躍直前而北路之兵因明亮經久未能寸進眾心不免稍阻自當設法鼓舞使人知勵勇效用方為益明
亮舒常各宜努力自奮

閏十月丁未賞旗兵閏月甲米著為令○乙卯簡派宗室族長○辛酉諭軍機大臣等朕昨檢閱各省呈繳應毀書籍內有僧源歸
所著偏行堂集係韶州府知府高綱為之製序兼為募貲刊行因查源歸名金堡明末進士曾任知縣復為桂王朱由榔給事中當
時稱為五虎之一後乃託迹編流藉以苟活其入本不足齒而所著詩文中多悖謬字句自應銷毀高綱身為漢軍且係高其佩之
子世受國恩乃見此等悖逆之書恬不為怪匪不舉首轉為製序募刻其心實不可問使其人尚在必當立寅重典因令查閱其家
收存各種書籍今於高綱之子高秉家查有陳建所著皇明實紀一書諸多悖謬其書板自必尚在粵東著傳諭李侍堯等即速查
明此書板片及所有刊印之本一併奏繳又查出嘉達春傳奇一本亦有不法字句係江甯清笑生所撰曲本既經刊布外間必有
流傳該督撫等從前未經辦及想因曲本蒐輯不到耳一併傳諭高晉薩載於江甯蘇州兩處查明所有刷印紙本及板片鑿行呈
繳高綱為源歸作序朕於無意中聞及可見天理難容自然敗露其子高秉收載應毀之書即或前此未經寓目近年來查辦違書
屢經降旨宣諭凡繳出者鑒不究其已往今高秉仍然匿不呈繳自有應得之罪已交刑部審辦此專因高綱為八旗大臣子孫其
家祿有應毀之書不可不示懲儆至陳建在天啓間即清笑生似亦明末時人其兩家即有子孫均可不必深究設或民間尚有藏
者但經獻出均可免罪將此由四百里一併諭令知之○壬戌論本日御史王寬奏請將各省秋審經九卿改輕改重之案酌定處

分一摺所奏其屬非是朕辦庶獄一秉大公至正卽有更改惟在準情酌理務得其平從不存絲毫成見至每年辦理各省秋審俱經網閱數次其中稍有一綫可原者時卽不予勾或各督撫有間擬失當者九卿改正者朕量其改駁案件少者傳旨申飭多者或交部察議其事亦祇可如是而止卽如今年四川省改駁多至五案亦止將署臬司顧光旭嚴加議處而署督文綬尙因其承辦軍情特予從輕此輩所共知者乃該御史欲請將秋審改多之案明定處分此必私心揣測妄以朕爲有意從嚴若果行其說其無知之督撫自皆避寬縱之名共思從重以免過勢必致失入者多於民命所關甚鉅國家設立刑章律以正辟聞尙德緩刑未聞尙刑緩德王寬此奏斷不可行尙來御史每遇給事中缺出時多有封奏事件希冀轉科朕用人自有權衡豈以一言爲去取況身爲言官藉以干進亦爲諸臣恥之同日李殿圖請陸續刊刻開國方略一摺此書見在纂輯告成後自當敬謹刊行若纂辦未完豈可零星刊布然所言不過書生迂見尙不足深責是以止將原摺發還而王寬之奏爲明刑大體所繫不應妄陳若此著交部議處將此通行傳諭知之

明亮舒常奏扎烏古第一條山梁經官兵占據其第二山巖在隔河勒烏圖之北第三山巖與勒烏圖相對下與阿爾古相接非惟礮卡層密且沿河一帶俱係懸崖賊人俱據險以待惟查兩山巖中間夾有深溝有一綫可通之路必須鑿崖附葛而行雖極爲冒險尙向來賊人力量不過能守一面或轉可以出奇制勝隨令奎林和隆武阿爾薩明等挑選兵丁分爲三路加派可信降番在前引路密從溝內進發仍於迎面派令都爾嘉等以取扎烏古上截山梁珠爾格德等攻取扎烏古下截山梁尙有四處礮卡派參領額爾伯克侍衛進財保分爲兩路攻取臣等率同前進德赫布及噶塘布等先於什扎古嘎谷兩處統眾努力攻撲賊人方當放槍滾石而奎林和隆武已由溝內直上山頂賊人於設想不到之地忽見此一路官兵先已慌亂所有第三條山梁礮卡隨到隨克而都爾嘉珠爾格德即乘勢分搶礮卡額爾伯克進財保亦將山半礮卡全行攻克各路合兵復分爲兩路一由扎烏古上攻直至相近日斯滿而止一由扎烏古下壓直至相近阿爾古而止諭軍機大臣等據明亮等奏官兵將扎烏古山梁全行攻克明亮舒常如此奮勉庶覺略增顏面見在正可乘勝深入而納木迪斯底葉安等處攔截在內並可不攻自潰此一路官兵聲勢日盛大有起色至逆酋索諾木常在甲雜賊寨居住其地在河之西與明亮軍營相近明亮等將河西一帶礮卡勦蕩肅清之後若能統兵徑赴甲雜攻圍賊寨將索諾木及其得力頭人聚行擒縛其功亦不爲小庶可與阿桂等同膺懋賞明亮等當努力爲之

○癸亥諭軍機大臣等昨因高秉家內查出皇明實紀一書內多悖逆字句應行銷毀其書係東莞人陳建所著已諭令該督等細查所有刷印之本及刻板一併奏繳是書又名皇明通紀恐刻板或有兩副應一併查明繳進至潘歸編行堂聚語多悖謬必應毀棄卽其餘墨蹟墨刻亦不應存著李侍堯等逐一查明繳進並將所有潘歸碑石亦卽派誠妥大員前往椎碎推撲不使復留於世聞又聞丹甯山寺係潘歸始闢而無識僧徒竟目爲開山之祖謬種流傳實爲未便但寺宇成造多年毋庸拆毀著李侍堯等卽速詳悉查明將其寺作爲十方常住削去潘歸開山名目官爲選擇僧人住持經理不許潘歸支派之人復爲接續該督等務卽妥

辨覆奏所有高秉家查出滙歸詩集及各種墨刻並著鈔寄李侍堯等閱看此外或有類此者並著一體查辦將此再行傳諭知之
○甲子諭阿桂等奏官兵攻搶西里山梁黃草坪擊柵占據並攻打科布曲山散在事之將領弁兵實屬奮勉據阿桂奏見擬直上山梁之頂橫截賊人碉寨中間一得此處進下皆可迎刃而解阿桂調度得宜自可乘勢席捲迅奏膚功○丁卯明亮舒常奏扎烏古爲河西喫緊門戶經官兵盡行占據納木迪官寨賊人於前晚自行焚棄相近寨落一空惟其上斯底葉安共有寨落三十餘處見我兵擊柵與阿爾占相接雖有木城無難攻克但西北一角未及肅清卽向南徑趨未免後顧可虞應先於斯底葉安一路進攻隨令侍衛進財保參領額爾伯克等由扎烏古下壓副將全保遵擊常格等由琅谷衝進將斯底葉安悉行占據因曲碩木寨落隱於西面山溝之內未經掃除惟日斯滿別起山峰賊礮林立見擬日內務期克取則甲索以下聲勢尤爲聯絡論軍機大臣等明亮等奏連日攻克日斯滿以下山梁礮卡並納木迪官寨斯底葉安一帶地方均已掃蕩奏欣慰日內想早已得手自可酌抽基本斯丹當噶一帶防兵並爲打仗之用又據奏稱我兵擊柵下與阿爾占相接雖有木城擋路亦無難以次攻克等語而投番阿旺亦供索諾木派人到阿爾占去把守是其地尙係賊人所注意明亮等當設法攻取使賊失其所恃官兵更可乘勝蹙入徑攻甲雅賊寨擒獲逆酋用膚茂賞明亮等務須奮勉力攻○己巳諭甲申歲我國家既定鼎京師而明福王朱由崧爲南京諸臣建立改元首尾一載其後唐王朱聿鍵桂王朱由榔相繼稱號者又十有餘年當時以其事涉本朝開創之初凡所紀年號例從從前例朱聿鍵之明紀輯略亦以附三王紀年爲浙江撫臣等所奏毀茲以按訪遺集外省奏進此書閱其體例非不尊崇本朝且無犯諱字蹟徒以附紀明末三王自不宜在禁禁之列前命編纂通鑑輯覽館臣請不錄福王事實因念應朝嬖代之際進退手奪繫乎萬世公論若前代偏私袒徇之陋曷以曲筆妄爲高下朕實鄙之卽如福王承其遺緒江山半壁疆域可憑使能立國自強未嘗不足比於宋高宗之建炎南渡乃孱弱荒淫自貽顛覆而偏安之規模未失不可遽以國亡書法絕之特命於明崇禎末附紀福王年號仍用雙行分注而提綱則書明以爲別至蕪湖被執始大書明亡蓋所以折衷至是務合乎人情天理之公也至於唐王桂王遁迹閩滇苟延殘喘不復成其爲國正與宋末昺是二王之流離海島者相類是以輯覽內未經載入今愚二王究爲明室宗支與異姓僭竊者不同非偽託也且其始末雖無足道而奔竄事蹟亦多有可攷與其聽不知者私相傳述或致失實無稽不若爲之約舉大凡俾知二王窮感情形不過如此更可以正傳聞之譌舛又其下諸臣以一旅拒主師者向多以僞官目之然其間如白文選李定國等本獻賊義子反側無常彼在明已合稱賊稱僞自當準春秋書盜之例又如金堡等之五虎橫行把持國是者亦無足齒錄若其他各爲其主始終不屈以致隕首捐軀者不一而足較宋末之文天祥陸秀夫賈相彷彿雖混一之初兵威迅掃不得不行抗命之誅而諸人瑣尾閒關有死無貳詢無愧人臣忠於所事之義迄今日久將遂泯沒朕甚憫之亦宜略爲紀錄使之有傳於後設以爲載筆有體則凡事涉二王者不妨直以彼字稱之用存偏正之別而其臣則竟書爲某王之某官某縣不必斥之爲僞也明紀輯略已命有

司弛其禁而通鑑輯覽校刊將竣其令四庫全書館總裁詮敘唐桂二王本末別爲附錄卷尾凡彼時仗節死義之人考訂事蹟悉與備書朕將親爲裁定宣付刊行傳讀者咸知朕大中至正未嘗有一毫私意偏倚其間而崇獎忠貞亦足以爲世道人心之勸書成卽以此諭同御製輯覽原序並冠卷端庶將來有所參考喻朕意焉○諭戶部令軍營病故乏嗣人員請照陣亡之例准以獨子立嗣一摺已依議行矣獨子不准出繼本非定例前因太僕寺少卿魯國華條奏經部議准行但立繼一事專爲承祀奉養固當家照昭穆之序亦宜順嫡婦之心所以例載嗣子不得於所後之親准其另立實準乎情理之宜也至獨子雖宗支所繫但或其人已死而其兄弟各有一子豈忍視其無後且見存者尙可生育而死者應與續延卽或兄弟俱已無存而以一人承兩房宗祀亦未始非從權以合經又或死者有應襲之職不幸無嗣與其拘泥獨子之例求諸遠族何如先儘親兄弟之子不問是否獨子令其繼襲之爲愈乎嗣後遇有嫡婦應行立繼之事除照例案依昭穆倫次相當外應聽嫡婦擇其屬意之人並問之本房是否願繼取有合族甘結卽獨子亦准出繼庶窮蹙得以母子相安而立嗣亦不致以成例阻格該部照例辦理著爲令○諭據富德奏派副都統舒亮等於本月初七日夜分路統兵往攻布咱爾尼山梁中間崖洞官兵奮勇突前向洞內拋擲火彈賊人猝不及防各兵擁進洞口刀槍並施殺賊六七十人餘皆帶傷而竄罕獲活口四名割取首級三顆耳記五箇並於初九日夜間派舒金泰等進攻復搶得賊卡二座等語此次攻勦布咱爾尼崖洞富德調度有方官兵皆鼓勇克捷甚屬可嘉參贊富德侯大功告成後一併從優議敘所有在事出力之將領弁兵等俱著富德查明咨部議敘○庚午諭慶恆前署鑲藍旗蒙古都統時未能查出參領額爾奇木等冒領滋生銀兩一事將郡王降爲貝子朕昨閱舊檔見伊高祖岳託爲國宣力頗立軍功且慶恆之罪尙屬因公慶恆著加恩仍賞給郡王以示朕軫恤宗勳至意○諭據阿桂等奏官兵搶上西里山頂擊柵截斷賊人攻克上下礮寨等因一摺內稱初九初十官兵連擊木柵十座相距山頂已近十一日已午間派兵三路向上直攻海蘭察福康安等繞出木城從賊背後施放槍箭自上下壓賊人手足無措當將木城克獲殲戮甚多十二日又擊木柵八座據守山梁賊人不能捱往十三日築起礮臺兩座分隊進攻十四日子刻烏什哈達等帶兵突然衝出克大礮三座木城四座福康安等又分頭攻克大礮兩座木城兩座殺賊更多並搜得槍矛等物見於十五日復將阿穆曲山礮臺落攻取一處擊柵十四座以期迅速掃蕩等語覽奏深爲欣悅此次官兵奮勇克捷皆由將軍參贊等調度重率有方統俟大功告成一併交部優敘其在事出力之將領弁兵等著阿桂卽行查明咨部分別議敘○賜原任工部尚書裘曰修之子行簡內閣中書准一體會試○壬申明亮舒常奏日斯滿山頂上其十七礮其山險峻異常日斯滿南另拖山一條地名耳得谷卽爲上巴布里尙有中巴布里下巴布里再下卽阿爾古沿山寨落甚多惟耳得谷最爲扼要自應先行攻取當派奎林和隆武統兵四面合圍第一處寨落賊番皆被勦戮復殲斃頭人錫拉木其第三處寨落望風潰散惟溝內之賊屢次衝突上山皆被阿爾保督兵力戰殲斃餘始潰散竊念賊人所以死據日斯滿而不棄者不過欲爲我後路之患今其後路轉爲我兵所據是

日斯滿以至巴扎木一帶礮內賊人諒再不能支持況上巴布里既已攻克中巴布里下巴布里無難乘勝掃除阿爾古正如破竹之勢迎刃而解論軍機大臣等明亮等奏攻克耳得谷即上巴布里一摺覽奏欣悅此次攻奪耳得谷賊寨奎林和隆武甚爲奮勉而截殺衝突上山滋擾之賊阿爾保進財保等頗爲出力著明亮等存記統俟大功告成咨部議敘至額森特雖未親身攻剿立功而於隔河施礮轟礮使賊人膽落如此不分畛域方無愧爲參贊益當努力自勉共襄大功

十一月丁丑阿桂豐昇額爾齊納察爾特奏阿爾曲寨落三處業經攻得其二惟將至河沿之第三座寨牆甚厚賊人聚集死守臣等商酌以索隆古一帶路徑頗多官兵從此搶上必須厚集兵力方可分頭攻打今即使攻克第三座寨落而第二山峰等處之賊窟未肯即時潰散則前敵之兵均難抽撤於直上索隆古分頭搶壓之計斷不能行究不如將第二山峰木城攻克則直壓至山微之下勢等建瓴此處賊人俱可掃盡而自科恩果木以下至卡布角各寨亦不攻自潰既無他顧之處便可抽兵數千搶占前進論軍機大臣等覽阿桂等奏所籌大有把握自即可望得手看來賊人全力專注西里一帶今阿桂等相機進攻自可乘勝克捷而噶拉依賊寨據投番等所供見甚空虛攻之自易爲力是掃蕩噶拉依賊巢惟盼阿桂等一帶之迅速滅事至河西一帶賊既不能抽兵相助則攻取亦不甚費手今又聞索諾木仍在甲雅而土婦阿倉等見在雍中喇嘛寺明亮等若攻克阿爾古即馳往甲雅剿擒逆酋並乘勝攻占獨松兼可杜賊眾西竄之路彼時或馳赴阿桂處幫同掃平噶拉依或渡河攻打雍中喇嘛寺擒獲阿倉阿青等賊賊勢更孤明亮等即可由彼處與阿桂約會夾攻噶拉依巢穴自更可期迅速集勦○己卯賜原任刑部侍郎贈尚書錢維城之子中銑內閣中書准一體會試○以達敏爲內閣學士由太常寺少卿遷○庚辰諭軍機大臣等明亮等奏官兵見自甲索口斯滿扎烏古下及噶河俱已攻克官軍屢次克捷勇氣倍增見在攻剿乃當迅速得手聞索諾木又在甲雅居住若明亮等果能乘勝深入直抵甲雅將逆酋擒獲則噶拉依賊巢及馬爾邦等要隘礮卡皆傳檄而定無庸復煩兵力設攻得甲雅逆酋仍復竄回巢穴又當以掃蕩噶拉依爲要將兒渠逆黨盡行擒縛解獻俘方能肅事明亮等至時當酌量情形如賊甘之兵已逼近噶拉依明亮等迅速過河攻打雍中喇嘛寺與阿桂兩面夾攻賊巢則剿除自更迅速若阿桂尚未抵噶拉依而明亮等已攻克甲雅獨松又不妨先由河西往馬爾邦一帶迎進富德之兵過河同剿賊巢三路合力攻剿賊更不能支延久拒尤可望剋期集事明亮等當妥酌而行又另摺奏韓斯甲布土司雍中紅爾結添人協助踴躍從事土舍額爾甲木燦進攻尤爲出力甚屬可嘉著傳旨賞給御用大荷包一對朝衣料各一件大段各一匹雍中紅爾結小荷包四箇韓爾甲木燦小荷包三箇並諭以此等貴重服飾不獨番地難得卽在內地臣工亦不能輕得大皇帝因爾弟兄誠心效順特加優賚以示鼓勵爾等惟當倍加奮勉速助成功將來隨將軍等凱旋入覲大皇帝自必另沛渥恩用昭嘉獎具土婦澤旺拉木並著賞蟒段一匹大段一匹交伊等一併祇領肅往○壬午諭朕恭閱舊滿洲檔冊大祖太宗初創鴻臚臬聞取與國甚廣卽如葉赫烏喇哈達輝發那木都魯綏芬尼瑪察錫伯瓜勒察等處皆在舊滿洲檔冊之

內雖在東三省所屬地方因向無繪圖竟難按地指名歷爲考驗邇來平定準噶爾回疆等處時特派大臣官員將所有地方俱已繪圖昭垂永久 列祖初開鴻業式廓疆圉豈可轉無繪圖著恭查滿洲檔冊詳對盛京志 實錄繕寫清單札寄盛京吉林黑龍江將軍等各將省城爲主某地距省城幾許見今仍係舊名或有更改並有無名山大川古人遺蹟逐一詳查三省會同共繪一圖呈覽○癸未諭崇獎忠貞所以風勵臣節然自昔累朝嬪代於勝國死事之臣罕有錄予易名者惟我 世祖章皇帝定鼎之初於崇禎末殉難之大學士范景文等二十人特恩賜諡仰見 聖度如天軫卹遺忠實爲亙古曠典第當時僅徵據傳聞未暇徧爲按訪故得遺表章者止有此數迨久而遺事漸彰復經論定今明史所載可案而知也至若史可法之支撐殘局力矢孤忠終蹈一死以殉又如劉宗周黃道周等之立朝誓罵抵觸僉壬及遺際時艱臨危授命均足稱一代完人爲褒揚所當及其他或死守城池或身殉行陣與夫俘擒驍倭視死如歸者爾時王旅徂征自不得不申法令以明順逆而事後平情而論若而人者皆無愧於疾風勁草卽自盡以全名節其心亦並可矜憐雖福王不過倉卒偏安唐桂二王並且流離竄迹已不復成其爲國而諸人茹苦相從舍生取義各能忠於所事亦豈可令其湮沒不彰自宜稽考史書一體旌諡其或諸生韋布及不知姓名之流並能慷慨輕生者議諡固難於槩及亦當令俎豆其鄉以昭軫慰嘗恭讀我 太祖實錄載薩爾濟之戰明楊鶴等集兵二十萬四路分出侵我興京我太祖 太宗及貝勒大臣等統勁旅數千殲戮明兵過半一時良將如劉綎杜松等皆歿於陣近曾親製書事一篇用揚 祖烈而示傳信惟時王業肇基其抗我顏行者原當多爲痛殲然迹其冒鋒鏖場忠效命未嘗不爲嘉憫又若明社將移孫承宗盧象昇等之抵拒王師身膏原野而周遇吉蔡懋德孫傳庭等以闖獻蹂躪興亡身懷慷慨猶有生氣總由明政不綱自萬厯以至崇禎權奸接踵閭閻橫行遂致黑白混淆忠良泯滅每爲之搔腕不平福王時雖間有追諡之人而去取未公亦無足爲重朕惟以大公至正爲衡凡明季盡節諸臣既能爲國抒忠優獎實同一視至錢謙益之自謂清流醒睡降附及金堡屈大均輩之倖生畏死詭託繼流均屬喪心無恥若輩果能死節則今日亦當在予旌之列乃既不能捨命而猶假語言文字以圖自飾其偷生是必當明斥其進退無據之非以隱殛其冥漠不靈之魄一褒一貶褒貶昭然使天下萬世共知準情理而公好惡以是植綱常卽以是示彰瘅凡諸臣事蹟之具於明史及通鑑輯覽者宜各徵考姓名仍其故官予以諡號一準 世祖時例行其令大學士九卿京堂翰詹科道集議以聞○甲申以董誥爲工部右侍郎_{由內閣學士遷}○乙酉諭朕以福祿係班第之子特加恩擢用侍郎派往西甯辦事伊應感激朕恩益加奮勉乃抵西甯以後諸事糊塗卽青海公禮塔爾被戕一案未能審出實情惟信禮塔爾下人一面之詞顛倒了事殊不勝任福祿著革職發往伊犁充當苦差自備資斧效力贖罪○丙戌定奉天山東沿海州縣文武員弁失察流民私行渡海例○己丑諭據阿桂等奏官兵攻打西里第二山峰地名奔布魯木乘夜督兵擊柝而進卽於柵內轟塌賊棚兩座初二三等日復派調官兵赴山帳盡處合力攻打海蘭察等帶兵直取奔布魯木山峰木城福康安等所帶二隊官兵分頭搶撲賊人抵死拒守槍石交下隨拋

擲火彈百餘時方大風火勢蔓延燒及木城官兵乘勢騰踊而上賊人踴躍奔出官兵緊追截殺殲斃甚多並因趕急滾崖跌死者又復不少其不敢逃出者俱斃於內福康安等復攻入各礮內放火焚燒官兵四面合圍礮內賊人亦均斃於火嗣後三隊合兵自上壓下將西里正寨及寨後山包並進下山截各礮卡隨攻隨克直至溝邊額森特等復攻撲山設盡處木城亦經克獲並得雅瑪明寨前兩礮進圍雅瑪明寨落相機即可搶上科布曲索隆古等處連日共攻得木城九座大寨四座石礮七座石卡數十座殺賊百餘人所得槍矛等物甚多等語覽奏深為欣悅此等皆促浸要隘賊人恃險死守將軍等多方籌畫調度合宜屢戰克捷實屬可嘉見在大功指日告成將軍等自當特膺懋賞所有先登制勝之參贊海蘭察及帶兵勇往之領隊大臣福康安均著交部議敘其隨從分隊打仗出力之滿漢屯土各兵並著將軍等查明賞給一月錢糧以示鼓勵○諭四庫全書處總裁將所輯永樂大典散篇各書進呈朕詳加披閱內家劉鼓學易集十二卷擬請刊刻其中有青詞一體乃道流祈禱之章非斯文正軌前因題胡宿集見其有道院青詞教坊致語之類命刪去刊行而鈔本仍存其舊今劉鼓所作則因服藥交年瑣事用青詞致告尤為不經雖鈔本不妨姑存刊刻必不可也蓋青詞述涉異端不特周程張朱諸儒所必不肯為即韓柳歐蘇諸大家亦正集所未見若韓愈之送窮文柳宗元之乞巧文此乃假託神靈遊戲翰墨不過借以喻言並非實有其事偶一為之固屬無害又如時文為舉業所習自前明以來過人擅長者甚多然亦止可聽其另集專行不宜並登文集況青詞之尤乖典故者乎再所進書內有擬請鈔錄之王質雪山集內如論和戰守疏及上宋孝宗書諸篇詞旨剴切頗當事理竟付之剞劂但其中亦有青詞一種並當一律從刪所有此二書著交該總裁等重加釐訂分別削存用昭評議之允至見在纂輯四庫全書部帙計盈數萬所採詩文別集既多自不能必其通體完善或大端可取原不妨棄瑕錄瑜如宋穆修集有曹操帳記諸多稱頌於是非大義在所必刪而全集或當錄存亦不必因此以廢彼惟當於提要內闡明其故使去取之義曉然諸相類者均可照此辦理該總裁等務須詳慎決擇使羣言悉歸雅正副朕鑑古斥邪之意○庚寅諭順天府尹劉純焯見在交部議處例應降調方本下雷一亦具呈告病順天府事務不可無人辦理蔣錫榮昨歲獲罪之案固所自取今事隔年餘伊亦頗知感愧自勵且念其前管府尹時尚能認真辦事蔣錫榮著加恩補授順天府尹此係朕格外加恩棄瑕錄用蔣錫榮務宜益加慎勉任職以策後效○辛卯以胡高望為內閣學士_{由詹事府遷}○壬辰諭軍機大臣等明亮等奏自礦占進兵攻得克爾甲爾占日格德木牛兩處礮卡見擬即擊木柵就近攻打日蓋古洛相機深入所辦甚好若能乘勢壓下攻克乃當場蕩甲難則河西一帶即可廓清且破其皮寮逆酋更無從竄逸佇聽捷音至前此額森特駐守勒烏圖於堵禦河西及科布曲一帶之賊責任甚重今額森特隨阿桂等進兵其勒烏圖惟留伍岱富興等看守富興本係病軀難以策其出力即伍岱計盡調度亦未必及額森特之優見在阿桂軍營不但海蘭察等略超羣其餘領隊大臣侍衛內能帶兵勇往者甚多可無藉額森特一人隨同進剿請傳諭阿桂即令額森特仍回勒烏圖駐守嚴切防禦勿使河西之賊得以偷越設稍有疏虞惟額森特是問○甲午